



Crónica dun "cara a cara" de máis de dúas horas entre os aforradores afectados polas preferentes e subordinadas con Rafael Louzán e os alcaldes do Val Miñor.

Membros das plataformas de afectados polas preferentes e subordinadas tiveron un especial cara a cara co presidente da Deputación, Rafael Louzán, este venres en Gondomar. Ao rematar un acto cultural abordáronlle ca fin de que asinara unha declaración na que se comprometía a dimitir do Partido Popular se os "xefes populares" non mudaban a súa actitude con respecto ao conflito das preferentes e subordinadas para que os afectados poidan recuperar todos os seus cartos. [Declaración que fora asumida polo alcalde popular de Oia](#) dur ante a mañá.

Rafael Louzán: “Iso de, Que estades facendo? me soa como se eu e estes señores foramos os propietarios do banco”.

{youtube}JDp6vu5ytQI&feature{/youtube}

O presidente negouse, máis mantivo un diálogo cos afectados no que non faltaron os rifi-rafes entre as partes. Por máis de dúas horas, os afectados esixíronlle a Louzán e mais aos alcaldes de Baiona, Gondomar e Nigrán que o acompañaban, para que cumpriran as promesas electorais do PP, nomeadamente unha solución que non implicara quitas na devolución dos seus aforros.

“Onde están as promesas da campaña, Louzán?”

{youtube}Q52erYJtOI&feature{/youtube}

A outra esixencia plantexada durante a improvisada audiencia foi que o Partido Popular axeitara o ritmo das arbitraxes de consumo, e acadaran o mesmo ritmo que tiveron durante o período da campaña electoral das eleccións autonómicas, cando eran próximo ás 300 citas diarias, o triplo das actuais.

Os afectados lembraron a Louzán que hai unha resolución do pleno da Deputación para non admitir quitas aos aforristas.

{youtube}7n9T36yMRZU&feature{/youtube}

Aínda que non acompañaron a iniciativa política presentada polos afectados, os alcaldes miñoranos e máis o presidente da deputación de Pontevedra e presidente do PP provincial, Rafael Louzán, prometeron aumentar as presións e dilixencias cara a axilizar a solución ao tema das preferentes e subordinadas. Á vez que insistiron que eles estaban *"do lado dos seus veciños"*.

Amigos, non!

{youtube}_iVERg-wTiU&feature{/youtube}

Os afectados pola estafa das preferentes marcharon da Aula de Cultura Ponte de Rosas sobre a media noite coa certeza de que o encontro non aportaría nada novo á situación, segundo declararon a Valminor.info. Tanto os voceiros de Gondomar, como os de Vigo e o Baixo Miño, entenden que a negativa dos parlamentarios populares a aumentar o número de arbitraxes –manifestada nunha votación no parlamento galego- é a verdadeira "cara" do Partido Popular neste tema.

Prognosticábanse choivas para este venres en Gondomar.... e choveu. Afectados polas preferentes

Escrito por Redaccion @valminorinfo
Sábado, 23 Febreiro 2013 03:00

{youtube}6C3sBpOf6Bc&feature{/youtube}